



Broj: 01-109/26

Datum; 22. 1. 2026 god.

UNIVERZITET U SARAJEVU – PRAVNI FAKULTET

KOMISIJA ZA IZBOR NASTAVNIKA/ICE ZA IZBOR U ZVANJE DOCENTA/ICE
NA NAUČNOJ OBLASTI KOMPARATIVNO PRAVO

Sarajevo, 19. 01. 2026.

VIJEĆU UNIVERZITETA U SARAJEVU - PRAVNOG FAKULTETA

Predmet: Izvještaj s prijedlogom za izbor u akademsko zvanje docenta/ice na naučnoj oblasti
Komparativno pravo

**1. Podaci o objavljenom konkursu i imenovanju i radu Komisije za izbor jednog
nastavnika/ice u akademsko zvanje docenta/ice na naučnoj oblasti Komparativno
pravo.**

Univerzitet u Sarajevu – Pravni fakultet je na osnovu usvojenog Dinamičkog plana potreba za raspisivanjem konkursa za izbor u naučna zvanja u akademskoj 2025/26., raspisao Konkurs za izbor jednog nastavnika/ice u akademsko zvanje docenta/ice na naučnoj oblasti Komparativno pravo.

Konkurs je objavljen 08. 12. 2025. godine u dnevnom listu „Dnevni avaz“ i web stranicama Univerziteta u Sarajevu (dalje: UNSA) i Univerziteta u Sarajevu – Pravnog fakulteta. U roku za podnošenje prijave na konkurs (15 dana od objavljivanja) prijavila se jedna kandidatkinja.

Uslovi za izbor u zvanje docenta utvrđeni su odredbama člana 112. stav 2. tačka d. Zakona o visokom obrazovanju („Službene novine Kantona Sarajevo“, broj: 36/22 i 28/25) i članova 224 – 228 Statuta Univerziteta u Sarajevu broj: 01-14-35-1/23 od 26.07.2023. godine ili članom 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21) ukoliko se kandidat/kinja prijavljuje shodno odredbi člana 176. Zakona o visokom obrazovanju Kantona Sarajevo („Službene novine Kantona Sarajevo“, broj 36/22 i 28/25).

Ti uslovi su: 1) naučni stepen doktora u naučnoj oblasti na koju se bira; 2) minimalno tri naučna rada objavljena u priznatim publikacijama, od čega je jedan naučni rad objavljen u publikaciji relevantnim naučnim bazama podataka, a za kandidate/kinje koji apliciraju u skladu sa



odredbom člana 176. Zakona o visokom obrazovanju Kantona Sarajevo („Službene novine Kantona Sarajevo“, broj 36/22 i 28/25) uslovi su propisano članom 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21, u daljem tekstu ZVO): 1) naučni stepen doktora u datoj oblasti; 2) najmanje tri naučna rada objavljena u priznatim publikacijama koje se nalaze u relevantnim naučnim bazama podataka; 3) pokazane nastavničke sposobnosti.

U skladu sa članom 227. Statuta Univerziteta u Sarajevu (broj: 01-14-35-1/23 od 26.07.2023. godine, u daljem tekstu Statut) prilikom izbora u zvanje dodatno se ocjenjuju a) nastavničke sposobnosti i doprinos koji to obuhvata; b) doprinos procesu internacionalizacije; c) društveni doprinos.

Na osnovu člana 123. stav (3) i stav (4) Zakona o visokom obrazovanju Kantona Sarajevo („Službene novine Kantona Sarajevo“, broj 36/22 i 28/25) i člana 236. stav (3) Statuta UNSA, Vijeće Univerziteta u Sarajevu – Pravnog fakulteta je na prijedlog Katedre za pravnu historiju i komparativno pravo donijelo Odluku broj: 01-1656-1/26 od 07.01.2026. godine, kojom se naučna oblast Pravna historija utvrđuje kao adekvatna naučna oblast prilikom imenovanja Komisije za pripremanje prijedloga za izbor u akademsko zvanje docenta/ice na naučnoj oblasti komparativno pravo.

Vijeće Pravnog fakulteta je na sjednici održanoj 07. 01. 2026. godine donijelo Odluku broj 01-1656-2/26 o imenovanju Komisije za pripremanje prijedloga za izbor i utvrđivanje adekvatnosti naučne oblasti¹, u sastavu:

1. Dr. Edin Halapić – redovni profesor Univerzitet u Sarajevu – Pravnog fakulteta na predmetima naučne oblasti Pravna historija, predsjednik i član;
2. Dr. Mehmed Bečić – vanredni profesor Univerzitet u Sarajevu – Pravnog fakulteta na predmetima naučne oblasti Pravna historija, član;
3. Dr. Ehlimana Memišević – vanredni profesor Univerzitet u Sarajevu – Pravnog fakulteta na predmetima naučne oblasti Pravna historija, članica;

¹ Imajući uvidu da u postupku imenovanja Komisije za pripremanje prijedloga za izbor u akademsko zvanje iz opravdanih razloga nije bilo moguće ispuniti uvjet da većina članova Komisije bude iz iste naučne oblasti za koju se kandidat bira, utvrđeno je da je naučna oblast Pravna historija adekvatna naučnoj oblasti Komparativno pravo.



Na osnovu Odluke o imenovanju, zadatak Komisije je da Vijeću Univerziteta u Sarajevu – Pravnog fakulteta, u pismenoj formi podnesu izvještaj sa prijedlogom za izbor jednog nastavnika/ice u akademsko zvanje docenta/ice na naučnoj oblasti Komparativno pravo, u skladu sa tekstom i uslovima raspisanog Konkursa.

Komisija je zaprimila Potvrdu sekretara Univerzitet u Sarajevu – Pravnog fakulteta broj 01-1647/25, a u skladu sa odredbama člana 255. Statuta Univerziteta u Sarajevu potvrdom je konstatirano da je istekom roka za prijavljivanje kandidata na konkurs za izbor nastavnika/ice u zvanje docenta/ice na naučnoj oblasti Komparativno pravo, objavljenim dana 08. 12. 2025., u dnevnom listu „Dnevni avaz“ i web stranicama Univerziteta u Sarajevu i Univerziteta u Sarajevu – Pravnog fakulteta, blagovremeno prijavio/la (jedan) kandidat/kinja.

U skladu sa odredbom člana 256. Statuta, Komisija je 15. 01. 2026. održala konstituirajuću sjednicu na kojoj je usvojila Poslovnik o radu, te uz prisustvo predstavnika stručne službe Fakulteta otvorila pristigle prijave. Na raspisani konkurs pristigla je jedna prijava koju je podnijela Amila Svraka-Imamović, viša asistentica na naučnoj oblasti komparativno pravo na Univerzitet u Sarajevu – Pravnom fakultetu.

Uvidom u prijavu stručna služba Pravnog fakulteta je konstatirala da se kandidatkinja dr. sc. Amila Svraka-Imamović prijavila na konkurs 22. 12. 2025., naznačivši da se prijavljuje shodno odredbi člana 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25), te je uz prijavu dostavila sljedeću dokumentaciju:

- Biografija (CV) i spisak objavljenih naučnih radova iz naučne oblasti Komparativno pravo;
- Diploma o završenom III ciklusu studija (ovjerena kopija);
- Diploma o završenom II ciklusu studija (ovjerena kopija);
- Diploma o završenom I ciklusu studija (ovjerena kopija);
- Potvrda o zaposlenju na Univerzitetu u Sarajevu – Pravnom fakultetu od 16. 7. 2021. godine u zvanju asistentice na naučnoj oblasti Komparativno pravo, a u zvanju više asistentice počevši od 28. 9. 2022. (original);
- Lista objavljenih knjiga i naučnih radova, uključujući i četiri naučna rada iz oblasti Komparativno pravo, objavljena u priznatim publikacijama koje se nalaze u



relevantnim naučnim bazama podataka, te same radove, objavljeni od imenovanja u zvanje više asistentice;

- Izvod iz matične knjige rođenih (ovjerena kopija);
- Uvjerenje o državljanstvu (original);
- Uvjerenje o tematskom modulu „Dobra vladavine iz islamske perspektive“, predavanja prof. Ahmeta Alibašića, 2020;
- Certifikat o sudjelovanju na XXVIth Annual Forum of Young Legal Historians „Liability and Responsibility in Legal History“, University of Istanbul, Faculty of Law, 2022;
- Certifikat o sudjelovanju na konferenciji „Bektashism in the Balkans as a Turkish-Islamic Cultural Heritage“, Sakarya University; Parliamentary Union of the Turkic World, Ankara 2023;
- Certifikat Training Course of Right to Freedom of Religion or Belief for All, Non – Violent Communication, Mediation and Dialogue, Office for Democratic Institution and Human Rights, 2023;
- Certifikat Spring School/Pilot Master Law and Gender, University of Belgrade, Faculty of Law, 2023;
- Certifikat Training & Research for Academic Newcomers, University of Sarajevo, 2023;
- Certifikat 11th Global Waqf Conference, Ibn Haldun University; Sabahattin Zaim University, 2023;
- Certifikat XXVIIth Annual Forum of Young Legal Historians “Meeting of Legal Cultures”, University of Sarajevo – Faculty of Law, 2023;
- Certifikat “Freedom of Religion or Belief: Contemporary Challenges and Perspectives” University of Sarajevo – Faculty of Law; OSCE Mission to Bosnia and Herzegovina, 2023;
- Cerifikat za organizaciju konferencije “Legal status of the waqf in Bosnia and Herzegovina”, 2024;
- Certifikat “Legal Tradition and New Legal Challenges, University of Novi Sad, Faculty of Law, 2024;
- Certifikat XXVIIth AFYLH “Religion and Ethics in Legal History”, University of Milan; University of Milan – Bicocca, 2024;



- Certifikat "Right to Believe & Right to Work: Women's Religious Freedom in the Workplace", Ibn Haldun University, 2025;
- Certifikat o završenom program Kursa "Uvod u izučavanje islama", Univerzitet u Sarajevu – Fakultet islamskih nauka, 2025;
- Zahvalnica za održano predavanje na seminaru savjetovanište za brak i porodicu "Žena u društvu – izazovi, odgovornosti i prilike", World Assembly of Muslim Youth i RIZBiH, 2025;
- Certifikat 29th Annual Forum of Young Legal Historians "Compromise a la belge: The Role of compromise in Legal History", University of Ghent, 2025;
- Dokaz o recenziji za časopis *Journal Laicidad y libertades: Escritos jurídicos*;

Nakon što je razmotrila prijavu i priloženu dokumentaciju kandidatkinje, Komisija podnosi sljedeći:

IZVJEŠTAJ

1. Prijava kandidatkinje

Dr. Amila Svraka-Imamović konkurisala je za izbor u zvanje docenta/ice na naučnoj oblasti Komparativno pravo. Podnesena prijava je, u skladu sa raspisanim konkursom, blagovremena (podnesena u roku određenim u konkursu), potpuna (priloženi svi dokazi o ispunjenosti uvjeta za izbor u zvanje docenta/ice shodno zakonskim i statutarnim odredbama), te vlastoručno potpisana.

Kandidatkinja je podnijela prijavu u skladu sa članom 176. Zakona o visokom obrazovanju Kantona Sarajevo („Službene novine Kantona Sarajevo“, broj 36/22 i 28/25), te se u skladu s tim uslovi za izbor u zvanje docenta/ice provjeravaju u skladu sa članom 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21).

2. Biografski podaci

Kandidatkinja Amila Svraka-Imamović rođena je 26. 01. 1993. u Sarajevu. Pravni fakultet Univerziteta u Sarajevu okončala je 2015. godine. Drugi ciklus studija upisala je akademske 2015/16, smjer Pravna historija i komparativno pravo, te položila sve ispite i odbranila završni



rad, sa prosječnom ocjenom 9,67. Završni rad pod naslovom „Historijsko pravna perspektiva rata u Bosni i Hercegovini 1992-1995: slučaj Općina Hadžići“, odbranila je pod mentorstvom profesora Enesa Durmiševića sa ocjenom 10.

Doktorski studij upisala je 2016. godine i sve ispite položila sa prosječnom ocjenom 9,67. Doktorsku disertaciju pod naslovom „Status pojedinca u civilnom, angloameričkom i srednjeistočnom pravu: komparativna studija“ odbranila je 20. 05. 2021.

Na Univerzitetu u Sarajevu – Pravnom fakultetu zaposlena je od 2018., u zvanju asistentice na oblasti Komparativno pravo, a od 2022. u zvanju više asistentice na istoj oblasti. Kandidatkinja je u periodu od marta 2017. do marta 2018. godine obavljala pripravnički staž u Općini Novi Grad Sarajevo, u Odsjeku za urbanizam, a u periodu od aprila do jula 2018. godine i u Pravobranilaštvu iste općine.

3. Radovi kandidatkinje

Doktorska disertacije

Doktorska disertacija kandidatkinje pod naslovom „Status pojedinca u civilnom, angloameričkom i srednjeistočnom pravu: komparativna studija“ tematski i metodološki je strukturirana oko analize statusa pojedinca u tri velika pravna sistema: civilnom, angloameričkom i srednjeistočnom pravu u komparativnoj perspektivi. Polazeći od savremenih koncepata pravnih kultura i tradicija, rad ispituje kako se pravni i društveni položaj pojedinca oblikuje kroz ustavne garancije ljudskih prava, međunarodnopravne obaveze država, koncept građanstva, lični (porodični) status, te položaj žena i manjina. Rad je koncipiran u tri tematski zaokružene cjeline. Prvi dio analizira status pojedinca u civilnom pravu na primjerima Francuske i Njemačke, s posebnim fokusom na ustavnu zaštitu ljudskih prava, razvoj koncepta građanstva, transformaciju porodičnog prava i položaj vjerskih manjina. Drugi dio posvećen je angloameričkom pravu kroz pravne sisteme Velike Britanije i Sjedinjenih Američkih Država, pri čemu se razmatraju specifičnosti ustavne zaštite prava, međunarodni standardi, građanski i politički status pojedinca, porodičnopravni instituti, status žena, te multikulturalni pristup pravima manjina. Treći dio rada bavi se srednjeistočnim pravom kroz analizu Saudijske Arabije, Egipta, Turske, Irana i Države Izrael, s posebnim naglaskom na ulogu šerijata u pozitivnom pravu, ograničenja ljudskih prava kroz vjerske i političke rezerve, specifičnosti građanstva, porodičnopravni status i položaj žena i manjina. Završni dio donosi komparativnu



analizu, ukazujući na sličnosti između pravnih sistema koji su bili predmet analize, kao i određenje distinktivne odlike pojedinih sistema. Metodološki, disertacija se oslanja na komparativnopravni pristup, analizu ustavnih i zakonskih tekstova, međunarodnih konvencija i relevantne sudske prakse, uz teorijski okvir savremenih koncepata građanstva (republikanskog i liberalnog modela). Time rad predstavlja sveobuhvatan teorijski i praktični doprinos razumijevanju statusa pojedinca u savremenim pravnim kulturama.

Disertacija ima 387 stranica teksta u formatu Times New Roman, font 12, prored 1,5. Od toga se 5 stranica odnosi na sadržaj, 327 stranica odnosi se na istraživanje, uključujući uvod i zaključak, te 53 stranice popisa korištene literature. Popis korištene literature uključuje knjige i doktorske disertacije, naučne članke i poglavlja u knjigama, praksu sudova, te internet izvore. Tekst disertacije sadrži 1499 fusnota bibliografske, deskriptivne i upućujuće prirode.

Doktorska disertacija Amile Svraka-Imamović pod naslovom „Status pojedinca u civilnom, angloameričkom i srednjeistočnom pravu: komparativna studija“ ima naučni i stručni značaj jer se bavi jednim od temeljnih instituta pravne nauke „statusom pojedinca“, kroz komparativnu analizu različitih pravnih sistema. Rad prevazilazi uobičajeni pristup koji se dominantno zadržava na zapadnim pravnim porodicama (civilnom i angloameričkom pravu), te uvodi širi komparativni okvir uključivanjem srednjeistočnih pravnih kultura i šerijatskog prava kao normativnog sistema savremenog značaja. Time se daje originalan doprinos razvoju komparativnog prava i razumijevanju pravnog pluralizma u savremenom svijetu. Posebna vrijednost rada je u tome što se Šerijat ne tretira isključivo kao historijski fenomen, već kao živ i relevantan pravni sistem koji i u 21. stoljeću oblikuje prava i obaveze pojedinaca u brojnim državama.

Praktični značaj rada proizlazi iz činjenice da se istraživanje temelji na savremenom pozitivnom zakonodavstvu više država (Francuska, Njemačka, Velika Britanija, SAD, Saudijska Arabija, Egipat, Turska, Iran i Izrael), čime se omogućava relevantna komparativna analiza rješenja koja se odnose na prava, dužnosti i pravni položaj pojedinca.

Rezultati rada mogu biti korisni zakonodavcima, pravnicima u praksi, sudijama, kao i stručnjacima koji se bave pitanjima ljudskih prava, građanskog statusa, porodičnog prava i odnosa države i religije.

Članci objavljeni nakon izbora u zvanje više asistentice



- 1) Citizenship in The State of Israel: Who is a Jew? Godišnjak Pravnog fakulteta u Sarajevu. 2024, god. 67, str. 29 – 46. Rad je kategoriziran kao izvorni naučni rad. Godišnjak Pravnog fakulteta u Sarajevu indeksira se u međunarodnim referentnim bazama CSA Sociological Abstracts (Proquest), CSA Worldwide Political Science Abstracts (Proquest), a puni tekst je uključen u Central and East European Academic Source (EBSCOhost) i Law Journal Library (Hein Online). U radu „Citizenship in the State of Israel: Who Is a Jew?“ autorica analizira normative temelje izraelskog državljanstva kroz prizmu pitanja jevrejskog identiteta kao ključnog kriterija za pristup državljanstvu. Polazeći od Zakona o povratku (1950) i Zakona o državljanstvu (1952), te kroz detaljnu analizu relevantne sudske prakse Vrhovnog suda Izraela (predmeti Rufeisen, Shalit i Miller), rad pokazuje kako se pravni status pojedinca u izraelskom pravnom sistemu određuje primarno na osnovu etničko-vjerske pripadnosti. Posebna pažnja posvećena je promjenjivim kriterijima za definiranje „ko je Jevrej“, koji se u praksi oscilatorno tumače između religijskog, etničkog i nacionalnog pristupa, u zavisnosti od političkih i ideoloških ciljeva države. Autorica zaključuje da je izraelski model državljanstva strukturiran kao etnički ekskluzivan, što rezultira sistemskom diskriminacijom nejevrejskog stanovništva, posebno Palestinaca, te problematizira demokratski karakter države u svjetlu savremenih teorija građanstva, ustavnosti i jednakosti pred zakonom. Rad predstavlja doprinos komparativnom ustavnom i građanskom pravu kroz kritičku analizu odnosa između etničkog identiteta, prava na državljanstvo i koncepta naroda u savremenim državama.
- 2) Freedom of Religion or Belief: The Right to Wear the Hijab in Public Spaces. Context: Journal of Interdisciplinary Studies. 2024, 11-2, pp. 71 – 107. Rad je kategoriziran kao pregledni naučni rad. Časopis je indeksiran u međunarodnim bazama CEEOL (Central and Eastern European Online Library), Central and East European Academic Source (EBSCOhost), ERIH PLUS, ROAD, Dimensions, Matriz de Información para el Análisis de Revistas, Crossref. Članak istražuje pitanje nošenja hidžaba kao dijela prava na iskazivanja religije u javnom prostoru, s posebnim fokusom na Bosnu i Hercegovinu, te upoređuje praksu u Francuskoj, Ujedinjenom Kraljevstvu i muslimanskim državama poput Saudijske Arabije i Irana. Autorica analizira kako različiti modeli odnosa države i religije, uključujući: autoritarni laicizam, inkluzivni multikulturalizam i vjerski



konzervativizam, utječu na prava žena i njihovu slobodu vjere. Ovaj članak doprinosi interdisciplinarnoj raspravi o pravu, religiji i društvenoj jednakosti, te pruža komparativnu analizu evropskih i domaćih pristupa slobodi vjere.

- 3) Vjerski brak: Da li kanonsko i islamsko pravo imaju sličnosti. Pravna misao: časopis za pravnu teoriju i praksu. 2023, 11/12, str. 32 – 61. Rad je kategoriziran kao pregledni naučni rad. Časopis Pravna misao indeksira se u bazama ERICH PLUS i Legal Source (EBSCOhost), a uvršten je i u Ulrichweb Global Serials Directory. U radu „Vjerski brak: Da li kanonsko i islamsko pravo imaju sličnosti“ izvršena je sistematična komparacija instituta braka u kanonskom i šerijatskom pravu. Analiza obuhvata: pravnu prirodu braka, uslove zaključenja, ulogu vjerskih službenika, saglasnost bračnih partnera, bračne smetnje, prava i obaveze supružnika, pitanje poligamije, mješovitih brakova, te mogućnosti razvoda i poništenja braka. Autorica pokazuje kako se u oba sistema brak zasniva na religijskom shvatanju porodice, ali i kako se razlikuju u konceptualizaciji njegove pravne prirode – sakramentalnog karaktera u kanonskom pravu nasuprot ugovornoj prirodi u islamskom pravu. Autorica ne zadržava analizu na normativnom opisu, već upoređuje temeljne principe dviju velikih religijsko-pravnih tradicija, ukazujući na njihove dodirne tačke, ali i na strukturalne razlike koje proizlaze iz različitih teoloških i pravnih koncepata. Povezivanjem prava, religije i društvenih promjena, rad nadilazi usku dogmatsku analizu i smješta pravne institute u širi društveno-historijski i kulturni kontekst. Posebno je značajno kritičko razmatranje tradicionalnih normi kroz prizmu savremenih društvenih kretanja (pitanje starateljstva, dobne granice za brak, položaj žene, reinterpretacija svetih tekstova), čime se otvara prostor za akademsku debatu o reformi i prilagodbi religijskog prava modernim standardima.
- 4) Criminal Liability in Islamic Law. In: Gedikli, Fethi (ed.by), Osmanağaoğlu Karahasanoğlu, Cihan. XXVI. Genç Hukuk Tarihçileri Konferansı Bildirileri, XXVI Annual Forum of Young Legal Historians Liability and Responsibility in Legal History. Istanbul: Onikilevha, 2023. Članak u međunarodnom zborniku u kojem su objavljeni tekstovi izloženi na XXVI Forumu mladih pravnih historičara u Istanbulu. Budući da je riječ o članku u Zborniku i da isti nije kategoriziran, Komisija je isti ocijenila kao pregledni naučni rad. Članak predstavlja naučni doprinos iz oblasti islamskog krivičnog prava s posebnim fokusom na institut krivične odgovornosti (*criminal liability*) i



osnove isključenja krivične odgovornosti. Rad detaljno analizira odredbe islamskog krivičnog prava, ukazujući na prisustvo načela zakonitosti, koncepta individualne odgovornosti i precizno definiranih uslova kažnjivosti. Time doprinosi dubljem razumijevanju islamskog krivičnog prava.

- 5) Hebīb, Mirza, Svraka-Imamović, Amila, i Rožajac-Zulčić, Mirela (ur.). (2025). *Conference Proceedings: meeting of legal cultures: XXVII Annual Forum of Young Legal Historians*. Sarajevo: Pravni fakultet Univerziteta. ISBN 978-9926-544-14-0 <https://www.pfsa.unsa.ba/pf/biblioteka/e-izdavastvo>. Ovaj Zbornik radova rezultat je XXVII Forumu mladih pravnih historičara, održanog u Sarajevu 2023. godine. Zbornik sadrži osam recenziranih naučnih radova koji prikazuju evoluciju prava kroz historijsku i komparativnu analizu, ističući značaj proučavanja susreta pravnih kultura za razumijevanje prošlih i savremenih pravnih sistema. Ovaj Zbornik predstavlja važan doprinos pravnoj historiografiji i pruža vrijedan resurs za istraživače, studente i praktičare prava. Kandidatkinja je jedna od urednica zbornika.

Osim cijenjenih radova kandidatkinja je od izbora u zvanje više asistentice objavila i sljedeće članke i prikaze:

- 1) Ženska prava i sloboda vjerskog ispoljavanja: pravni standardi i društvena praksa u Bosni i Hercegovini. U S. Malkić (ur.), *Muslimanska porodica* (str. 85–98). El-Kalem, 2025.
- 2) Prikaz knjige: Nedim Begović, Sloboda religije u islamskom pravu i sistemu ljudskih prava Ujedinjenih nacija (Sarajevo: El-Kalem, Fakultet islamskih nauka, 2023), 163 str., *Zbornik radova Fakulteta islamskih nauka*, 29/2024, str. 321-325.
- 3) Ličnost i naslijeđe profesora Fikreta Karčića. Sarajevo, *Novi Muallim*, 2023, god. 93. str. 11 – 17.
- 4) Prikaz knjige: Edin Halapić, Tendencije Vrhovnog suda Sjedinjenih Američkih Država u prvoj polovini XX vijeka, Sarajevo: Pravni fakultet Univerziteta u Sarajevu, 2022, str. 169, *Godišnjak Pravnog fakulteta u Sarajevu*, 2022, 65, str. 349-354.

Članci objavljeni prije izbora u zvanje više asistentice



- 1) Osvrt na izučavanje komparativnog prava na Pravnom fakultetu Univerziteta u Sarajevu. Godišnjak Pravnog fakulteta u Sarajevu. 2021, god. 64. str. 329 – 347 (koautorstvo sa Tahinom Herendom)
- 2) Šerijatsko nasljedno pravo: opći pregled. U: ČOLOVIĆ, Vladimir (ur.), MANIĆ, Samir (ur.). Uvod u šerijatsko pravo. Beograd: Institut za uporedno pravo, Novi Pazar: Državni univerzitet, Departman za pravne nauke, 2020. str. 197-216.
- 3) Komparativni prikaz propisa o zabrani prekrivanja lica i nošenju maski. Sarajevo: Pravni fakultet Univerziteta, 2020. 6 str. Pandemija i pravo, 5. <https://www.pfsa.unsa.ba/pf/wp-content/uploads/2020/05/Amila-Svraka-Imamovi%C4%87.pdf>.
- 4) Hamidović protiv Bosne i Hercegovine. Godišnjak Pravnog fakulteta u Sarajevu. 2019, god. 62, str. 231-250.
- 5) Krivična djela u jevrejskom, islamskom i engleskom pravu. Pravna misao: časopis za pravnu teoriju i praksu. 2019, 3/4, str. 65-101.
- 6) Koncept braka u islamskom, jevrejskom, engleskom i velškom pravu. Godišnjak Pravnog fakulteta u Sarajevu. 2018, god. 61, str. 315-344.

Knjiga:

- 1) Bibliografija radova o Islamskoj zajednici u Bosni i Hercegovini : austrougarski period. Sarajevo: Institut za islamsku tradiciju Bošnjaka; Gazi Husrev-begova biblioteka, 2021. (koautorstvo)

Prikaz:

- 1) Fikret Karčić - pionir islamske tradicije Bošnjaka. Godišnjak Pravnog fakulteta u Sarajevu. 2020, 63, str. 561-568.

U pogledu objavljenih radova do izbora u zvanje više asistentice, koji su i dostavljeni u štampanoj formi, Komisija konstatira da ovom prilikom nisu bili sadržajno ocijenjeni, budući da nisu bili uvjet za izbor, već su razmatrani kao potvrda kontinuiteta naučno-istraživačkog rada kandidatkinje. U tom smislu, Komisija konstatuje da je kandidatkinja do izbora zvanje više asistentice, objavila pet članaka u Bosni i Hercegovini, u časopisima koji se nalaze u



relevantnim bazama podataka, jedan rad u Srbiji, te koautorstvo u izradi *Bibliografije radova o Islamskoj zajednici u Bosni i Hercegovini: austrougarski period*, kao i jedan prikaz knjige.

Osnovno područje naučno-istraživačkog rada kandidatkinje, kako je vidljivo iz doktorske disertacije i objavljenih radova, predstavlja komparativno pravo. Radovi objavljeni od posljednjeg izbora (4) po broju, kvalitetu i vrstama ispunjavaju uslove propisane članom 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21).

Pokazane nastavničke sposobnosti

U skladu sa članom članom 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21) prilikom izbora u zvanje ocjenjuju se nastavničke sposobnosti, a s obzirom da se kandidatkinja bira prvi put u nastavničko zvanje Komisija je cijnila one kriterije koje je bilo moguće ispuniti u svojstvu asistenta/višeg asistenta i to: kvalitet realizacije vježbi na redovnim predmetima I ciklusa studija (*Komparativna pravna historija*, *Moderne pravne kodifikacije*), te redovnim i izbornim predmetima II ciklusa studija (*Svjetske pravne kulture* i *Religijske pravne kulture*). Kandidatkinja je uspješno ocijenjena u svim studentskim evaluacijama na kojim je dobila izuzetno visoko ocjene i veliki broj pozitivnih komentara. Kandidatkinja je aktuelna predstavnik viših asistenata/ica.

Osim toga, od zasnivanja radnog odnosa, 2018. do početka 2022., kandidatkinja je bila angažirana uz profesora Fikreta Karčića na izbornom predmetu I ciklusa studija *Pravo, religija i nasilje: historijska perspektiva*, te na gorenavedenim predmetima II ciklusa studija.

Tokom 2023. godine kandidatkinja je uspješno završila Training & Research for Academic Newcomers. U sklopu saradnje sa Misijom OSCE-a u Bosni i Hercegovini kandidatkinja je organizirala radionicu sa studente Univerziteta u Sarajevu – Pravnog fakulteta i Univerziteta u Sarajevu – Fakulteta političkih nauka.



Istraživački boravci, naučno i stručno usavršavanje

1. The Institute of Knowledge Integration, course "Islamophobia" and "Anti-Muslim Racism and Gender", 2025.
2. Kurs "Uvod u izučavanje islama", Univerzitet u Sarajevu – Fakultet islamskih nauka, 2025.
3. Strategic human rights communication and coalition building on freedom of religion or belief, OSCE/ODIHR Human Rights Department and the OSCE Mission to Bosnia and Herzegovina, 2024.
4. Training Course of Right to Freedom of Religion or Belief for All, Non – Violent Communication, Mediation and Dialogue, Office for Democratic Institution and Human Rights, 2023.
5. Training & Research for Academic Newcomers, 2023.
6. Spring School/Pilot Master Law and Gender, University of Belgrade – Faculty of Law, 2023.
7. Program istraživačke obuke, Centar za napredne studije, 2022.
8. Jean Monnet Module Language and EU Law Excellence, Pravni fakultet u Osijeku uz podršku Erasmus programa Evropske Unije, 2021.
9. Modul "Dobra vladavina iz islamske perspektive", profesor Ahmet Alibašić, 2021.
10. Istraživački boravak na Pravnom fakultetu Univerziteta u Leidenu. Nizozemska, septembar 2019.

Funkcije/članstvo u profesionalnim i stručnim organizacijama/institucijama

1. Association of Young Legal Historians: članica
2. European Society for Comparative Legal History: članica
3. Konferencija XXVIIth Annual Forum of Young Legal Historians: „Meeting of Legal Cultures“, 2023: članica organizacionog odbora, kao i inicijator organizacije ovog značajnog simpozijuma na Univerzitetu u Sarajevu – Pravnom fakultetu. Simpozij je okupio veliki broj pravnih historičara, sa uglednih univerziteta i instituta iz Evrope, Azije i Amerike. Time angažman kandidatkinje na njegovoj organizaciji predstavlja doprinos internacionalizaciji Univerziteta u Sarajevu i Pravnog fakulteta.



4. Konferencija „Sloboda vjere ili uvjerenja: savremeni izazovi i perspektive, Univerzitet u Sarajevu – Pravni fakultet i OSCE Misija u Bosni i Hercegovini, 2023: članica organizacionog odbora. Na prijedlog kandidatkinje Konferencija „Sloboda vjere ili uvjerenja: savremeni izazovi i perspektive održana je u decembru 2023. godine. Kandidatkinja je ostvarila saradnju sa ODIHR Human Rights Department i predložila da se Dan ljudskih prava obilježi na način koji će okupiti na jednom mjestu akademsku zajednicu, stručnjake iz prakse kao i predstavnike vlasti. Kao gostujući predavač ove konferencije pozvan je ugledni prof. dr. Ahmed Shahid sa Univerziteta u Essexu i nekadašnji UN specijalni izvijestilac za ljudska prava. Koristeći dolazak profesora Shahida kandidatkinja je organizirala gostujuće predavanje za studente Pravnog fakulteta na temu „Holistic Conception of FoRB“.
5. Konferencija “Legal status of the waqf in Bosnia and Herzegovina”, Univerzitet u Sarajevu – Pravni fakultet, Ibn Haldun Univerzitet, Vakufska direkcija IZBiH, 2024 . članica organizacionog odbora. Kandidatkinja je imala aktivnu ulogu u organizaciji konferencije i uspostavljanju saradnje sa Ibn Haldun Univerzitetom iz Istanbula.
6. Komisija za slobodu vjere Rijaseta islamske zajednice u Bosni i Hercegovini: članica

Izlaganja na domaćim i međunarodnim konferencijama

Međunarodne konferencije

1. “Right to Believe & Right to Work: Women’s Religious Freedom in the Workplace”, Ibn Haldun University, 2025.
2. “Compromise à la belge: The Role of Compromise in Legal History”, University of Ghent, 2025.
3. “Between Religiosity and Secularity: The Headscarf in Public Space”, University of Milan & University of Milan–Bicocca, 2024.
4. “Legal Tradition and New Legal Challenges”, University of Novi Sad – Faculty of Law, 2024.
5. „The Headscarf Debates in Europe: The Case of Bosnia and Herzegovina“, University of Naples, 2024.
6. “Islam in Europe: The Case of Bosnia and Herzegovina”, University of Sarajevo – Faculty of Law, 2023.



7. "Bektashi Order in Bosnia and Herzegovina: History, Organization, and Characteristics", Sakarya University & Parliamentary Union of the Turkic World, Ankara, 2023.
8. "History and Restitution of Waqf in Bosnia and Herzegovina", Ibn Haldun University & Sabahattin Zaim University, 2023.
9. "Sloboda vjere ili uvjerenja: savremeni izazovi i perspektive", Univerzitet u Sarajevu – Pravni fakultet & OSCE Misija u Bosni i Hercegovini, 2023.
10. "Criminal Liability in Islamic Law", Istanbul University – Faculty of Law, 2022.

Domaće konferencije

1. Seminar „Žena u društvu – izazovi, odgovornosti i prilike“, World Assembly of Muslim Youth i RIZBiH, 2025.
2. „Uvod u šerijatsko pravo“, Institut za uporedno pravo u Beogradu, 2021.
3. „Razvoj komparativnog prava na Pravnom fakultetu Univerziteta u Sarajevu“, Pravni fakultet Univerziteta u Sarajevu, 2021.
4. „Genocid nad Bošnjacima kao oblik borbe protiv ‘islamskog radikalizma’“, Univerzitet u Sarajevu, Univerzitet u Tuzli, Institut za istraživanje zločina protiv čovječnosti i međunarodnog prava UNSA i Institut za historiju UNSA, 2020.
5. „Bibliografija radova o šerijatskim sudovima u Bosni i Hercegovini“, Institut za islamsku tradiciju Bošnjaka, 2019.
6. „Osnivanje Katedre za pravnu historiju i komparativno pravo“, Institut za historiju Univerziteta u Sarajevu, 2019.

Gostujuća predavanja

1. Predavanje „Islamic Legal Culture: Historical Development, Sources of Sharia, and Its Contemporary Challenges“, University of Siena, 2025.
2. Predavanje „Vjerska prava i slobode u pravnom poretku Bosne i Hercegovine“, Univerzitet u Bihaću – Pravni fakultet i Islamski pedagoški fakultet, 2025.
3. Izlaganje u okviru radionice „Pravo na slobodu vjere ili uvjerenja“ Misija OSCE-a u BiH, 2024.



4. Promotorica knjige prof. Nedima Begovića, Sloboda religije u islamskom pravu i sistemu ljudskih prava Ujedinjenih nacija (Sarajevo: El-Kalem, Fakultet islamskih nauka, 2023) Sarajevo, 2024.
5. Moderatorica okruglog stola na temu „Zašto je važno uključiti učenje o ljudskim pravima u procesu formalnog obrazovanja u BiH“, održanog povodom Dana ljudskih prava #INSPIRIRAJprava, USAID Program podrške zaštiti ljudskih prava, 2022.

Sudjelovanje u projektima

1. Saradnica na projektu uspostavljanja platforme “Ekvilibrijum”, The King Abdullah bin Abdulaziz International Centre for Interreligious and Intercultural Dialogue, 2025.
2. Saradnica na projektu “Pravna sudbina sarajevskih vakufa”, Pravni fakultet Univerziteta u Sarajevu, 2019.

Recenzije

1. Recezentica članka u časopisu Context: Časopis za interdisciplinarne studije
2. Recezentica članka u časopisu Journal Laicidad y libertades: Escritos jurídicos
3. Recezentica projekta "Istraživanje pravnih transplanta u BiH: prošlost, sadašnjost i evropska budućnost"

Ostalo

Na Univerzitetu u Sarajevu – Pravnom fakultetu kandidatkinja je bila angažirana u radu više komisija i tijela: Komisija za popis stalnih sredstava, sitnog inventara i zaliha, Komisija o ekvivalnciji ranije stečenih titula, odnosno naučnih i stručnih zvanja Univerziteta u Sarajevu – Pravnog fakulteta, Komisija za provjeru uvjeta u pogledu završetka I ciklusa studija, te Komisije za popis bibliotečke građe. Bila je koordinatorica II ciklusa studija na Katedri za pravnu historiju i komparativno pravo, članica Izvršni odbora XXVIIth Annual Forum of Young Legal Historians: „Meeting of Legal Cultures“; Izvršnog odbora „Sloboda vjere ili uvjerenja: savremeni izazovi i perspektive, Univerzitet u Sarajevu – Pravni fakultet i OSCE Misija u Bosni i Hercegovini, Izvršnog odbor “Legal status of the waqf in Bosnia and Herzegovina”, Univerzitet u Sarajevu – Pravni fakultet, Ibn Haldun Univerzitet, Vakufska



direkcija IZBiH; te Odbora za izradu Monografije “Pravni fakultet Univerziteta u Sarajevu (1946–2026)“.

Zaključna ocjena i prijedlog Komisije

Na Konkurs za izbor nastavnika/ice u akademsko zvanje docenta/ice na naučnoj oblasti Komparativno pravo na Univerzitetu u Sarajevu – Pravnom fakultetu, objavljenom 08. 12. 2025. godine u dnevnom listu „Dnevni avaz“ i web stranicama Univerziteta u Sarajevu i Univerziteta u Sarajevu – Pravnog fakulteta prijavila se jedna kandidatkinja:

- Dr. Amila Svraka-Imamović, viša asistentica na Univerzitetu u Sarajevu – Pravnom fakultetu, na naučnoj oblasti Komparativno pravo.

U postupku pripremanja prijedloga za izbor u akademsko zvanje docenta/ice na naučnoj oblasti Komparativno pravo, Komisija je ispunjenost uvjeta za izbor u zvanje akademsko zvanje docenta/ice procjenjivala shodno objavljenom Konkursu, prema odredbi člana 96. stav 1. tačka d) Zakona o visokom obrazovanju Kantona Sarajevo („Službene novine Kantona Sarajevo“, broj: 33/17, 35/20, 40/20 i 39/21).

Nakon analize i ocjene navedene prijave i dokumentacije Komisije je utvrdila sljedeće:

1. Kandidatkinja Amila Svraka-Imamović je odbranila doktorsku disertaciju pod naslovom „Status pojedinca u civilnom, angloameričkom i srednjeistočnom pravu: komparativna studija“ 2021. godine. Disertacija u potpunosti pripada naučnoj oblasti Komparativno pravo, kako po svom predmetu, tako i po teorijsko-metodološkom okviru. Rad nije zasnovan samo na primjeni komparativne metode, već je koncipiran u skladu s temeljnim obilježjima komparativnog prava kao samostalne pravne naučne oblasti. Time se disertacija jasno razlikuje od radova koji se samo metodološki oslanjaju na komparaciju, ali tematski pripadaju određenim granama prava. Komisija je zaključila da disertacija ispunjava osnovni kriterij komparativnog prava: sistemsko, teorijsko i normativno poređenje pravnih porodica i njihovih temeljnih instituta.
2. Kandidatkinja je od izbora u zvanje više asistentice objavila više naučnih radova u časopisima i zbornicima koji se indeksiraju u relevantnim naučnim bazama podataka (4), što je cijenjeno već u ovom Izvještaju, čime u potpunosti ispunjava uslov propisan za izbor u zvanje docenta – najmanje tri naučna rada objavljena u referentnim publikacijama. Pored



navedenog, kandidatkinja je i koautorica i zbornika, te i autorica društveno angažiranih radova, od kojih se posebno izdvaja „Courts and Headscarves in Bosnia and Herzegovina: The Importance of Article 14“, 2025. (koautorstvo), objavljen na blogu Irskog centra za ljudska prava (Irish Centre for Human Rights Blog).

3. U pogledu nastavničkih sposobnosti, kandidatkinja je tokom višegodišnjeg angažmana kao asistentica i viša asistentica uspješno realizirala vježbe na predmetima I i II ciklusa studija, ostvarila izuzetno visoke ocjene u studentskim evaluacijama, dodatno unaprijedila pedagoške kompetencije kroz program *Training & Research for Academic Newcomers*, te bila aktivno uključena u vannastavne i interinstitucionalne obrazovne aktivnosti. Na osnovu navedenog, nesporno je da kandidatkinja posjeduje iskazane nastavničke sposobnosti i u potpunosti ispunjava propisani uslov za izbor u zvanje docenta.

U skladu sa Smjernicama i kriterijima za način vrednovanja uvjeta za izbore u akademska zvanja propisana članom 227. Statuta Univerziteta u Sarajevu, Komisija cijeni da kandidatkinja posjeduje sljedeće:

1. Nastavničke sposobnosti, što je detaljnije naprijed objašnjeno.
2. Doprinos internacionalizaciji. Kandidatkinja je svojim kontinuiranim međunarodnim angažmanom ostvarila značajan doprinos procesu internacionalizacije Univerziteta u Sarajevu. U okviru međunarodne mobilnosti, učestvovala je u istraživačkim boravcima i edukativnim modulima na uglednim institucijama kao što su Univerzitet u Leidenu (Nizozemska, 2019), Univerzitet u Osijeku (Jean Monnet Module, 2021), Centar za napredne studije (2022), Univerzitet u Beogradu – Faculty of Law (Spring School/Pilot Master, 2023), te kroz različite programe OSCE/ODIHR-a i međunarodnih instituta (2023–2025). Kandidatkinja je aktivna članica međunarodnih profesionalnih i naučnih asocijacija, uključujući *Association of Young Legal Historians* i *European Society for Comparative Legal History*, te je članica organizacionog odbora XXVII Annual Forum of Young Legal Historians (2023). U okviru gostujućih predavanja i međunarodnih konferencija, kandidatkinja je izlagala teme iz komparativnog prava, prava religije i ljudskih prava na renomiranim univerzitetima i forumima u Istanbulu, Ankari, Milanu, Napulju, Ghentu, Sieni i Sarajevu, uključujući organizaciju i realizaciju gostujućih predavanja prof. dr. Ahmeda Shahida (Univerzitet Essex, bivši UN Specijalni



izvjestilac za ljudska prava). Kandidatkinja je učestvovala i u međunarodnim projektima i radnim grupama, uključujući projekte o pravnoj sudbini vakufa i inicijativu Centra za međureligijske i međukulturalni dijalog kralja Abdulaha (King Abdullah Centre for Interreligious and Intercultural Dialogue). Na osnovu navedenih aktivnosti, Komisija ocjenjuje da kandidatkinja svojim radom doprinosi internacionalizaciji Univerziteta u Sarajevu.

3. Kandidatkinja aktivno doprinosi razvoju društvene zajednice. Posebno se ističe njen doprinos organizaciji međunarodnih konferencija na Pravnom fakultetu. Kao članica Komisije za slobodu vjere Rijaseta Islamske zajednice u Bosni i Hercegovini, kandidatkinja doprinosi kreiranju preporuka i inicijativa koje unapređuju poštivanje međunarodnih standarda u oblasti slobode vjere i uvjerenja u BiH. Njena ekspertiza u ovoj oblasti ogleda se i kroz predavanja i rad na popularizaciji prava na slobodu vjere, čime direktno doprinosi podizanju društvene svijesti i primjeni međunarodnih standarda u praksi. Na osnovu navedenih aktivnosti, Komisija ocjenjuje da kandidatkinja značajno doprinosi društvenoj zajednici, promovira pravne standarde i ljudska prava.

Slijedom navedenog Komisija Vijeću Univerziteta u Sarajevu – Pravnog fakulteta upućuje

PRIJEDLOG

da se dr. Amila Svraka-Imamović izabere u akademsko zvanje docentice na naučnoj oblasti Komparativno pravo na Univerzitetu u Sarajevu – Pravnom fakultetu.

KOMISIJA

Prof. dr. Edin Halapić, predsjednik i član

Prof. dr. Mehmed Bečić, član

Prof. dr. Ehlimana Memišević, članica